

Du vuoigatvuohta geavahit unnitlogugiela

Gullot go soames dain nášuvnnalaš unnitloguide dus lea vuoigatvuohta geavahit iežat giela oktavuodáiguin eiseválddiiguin. Dás oaččut diehtit makkár gielalaš vuoigatvuođa dus leat ja makkár gáibádusaid sáhtát bidjat iežat gildii ja iežá eiseválddiide.

Ođđajagimánu 1b. 2010 bođii ođđa láhka nášuvnnalaš unnitloguid unnitlogugielaid birra. Nášuvnnalaš unnitlohkui gullot judalaččat, romat, sámít, ruoŧtelašsuopmelaččat ja durdnosleagilaččat. Nášuvnnalaš unnitlogugielat leat jiddisch, románagiella (romani chib), sámigiella, suomagiella ja meänkieli.

Visot nášuvnnalaš unnitlogugielat galget suodjaluvvot ja ovddiduvvot

Lága jalgii nášuvnnalaš unnitlogugielat galget suodjaluvvot ja ovddiduvvot. Dat guhte gullo ovttá unnitlohkui galgá leat vuoigatvuohta oahppat, ovddidit ja geavahit iežaset unnitlogugiela. Eiseválddit galget guldalit nášuvnnalaš unnitloguide ja vuhtii váldit sin dárbbuid.

Eiseválddiin lea geatnegasvuohta dieđihit dutnje iežat vuoigatvuođaid birra, beroškeahtá makkár nášuvnnalaš unnitlogugiela don ságastat ja gos Ruotas orut.

Erenoamáš nanu vuoigatvuođat suomagillii, meänkillii ja sámigillii

Erenoamáš nanu vuoigatvuođat lea das guhte ságasta suomagiela, meänkiela dahje sámigiela ja orrut gielddas hálddahuovllus. Vuolimus siiddus oainnat jus du giela lea mielde hálddahuovllus.

Don guhte orut gielddas hálddahuovllus lea vuoigatvuohta gulahallat eiseválddiiguin iežaset gielain. Galggat oažžut vástádusa njálmálaččat ja čálalaččat seammá gielas.

Sáhtát gáibidit oažžut máná- ja boarrásiiddivššu ollásit dahje oassái suomagillii, meänkillii dahje sámigillii.

Jus orut Gironis, Jielleváris, Árjepluovves, Jáhkámáhkes, Haparánddas, Bájilis dahje Övertorneås dus lea vuoigatvuohta geavahit unnitlogugiela oktavuodáin duopmostuoluin.

Don guhte orut gielddas mii ii gullo hálddahuovllui galggat maid sáhttit váldit oktavuodá eiseválddiiguin ja oažžut boarrásiiddivššu suomagillii, meänkillii dahje sámigillii, jus gávdno bargi gii máhtá giela. Eiseválddit galget bearráigeahččat ahte gávdno bargit geat máhtte giela dalle go lea dárbu.

Beroškeahtá gos orut galggat máhttit čállit suomagillii, meänkillii ja sámigillii Riikabeaivvi áittardeddiide, Justitiekanslerii, Dáhkádusgássái, Vearrodoaimmahakkii ja Vealahanáittardeaddjái.

Dáin sajiin oaččut veahki

Jus du gielda dahje iežá eiseválddit eai ceavzze lága du mielas de sáhtát váldit oktavuodá Leanstivrrain Stockholmma leanas dahje Sámedikkiin mat galget bearráigeahččat ahte láhka čuovvuluvvo. Sámedikkis lea ovddasvástádus sámigielas ja Leanadiggi Stockholmas lea ovddasvástádus iežá gielain.

[Ossodat unnitloguáššiide Leanadikkis Stockholma leanas](#)

Tfn 08-785 40 00

[Sámediggi](#)

Tfn 0980-780 30

Dás sáhtát eanet lohkat

Dás oaččut diehtit eanet du vuoigatvuođaid birra:

- [Diehtolasta nášuvnnalaš unnitloguid vuoigatvuođaid birra](#)
- [Webbasajit nášuvnnalaš unnitloguide](#)
- [Nášuvnnalaš unnitloguid birra Skuvladoaimmahaga webbasajis Tema modersmål](#)
- [Nášuvnnalaš unnitloguid birra Språkrådeta webbasajis](#)
- [Láhka nášuvnnalaš unnitloguid ja unnitlogugielaid birra](#)
- [Girjjáš Skuvladoaimmahagas nášuvnnalaš unnitloguid vuoigatvuođaid birra skuvllas](#).

Hálddahuoguvlu suomagillii, meänkillii ja sámigillii

Dás sáhtát oaidnit makkár gielddat leat mielde daid sierra hálddahuoguvlluin. Iežá gielddat sáhttet ohcat beassat siskilduvvot hálddahuoguvlui.

Hálddahuoguvllut suomagillii

Bájlil, Borlänge, Borås, Botkyrka, Degerfors, Enköping, Eskilstuna, Fagersta, Finspång, Gájnaj, Jiellvárri, Göteborg, Hallstahammar, Haninge, Haparanda, Hofors, Huddinge, Håbo, Hällefors, Giron, Gävle, Karlskoga, Köping, Lindesberg, Ludvika, Luleå, Malmö, Mariestad, Motala, Norrköping, Norrtälje, Nykvarn, Oxelösund, Sandviken, Sigtuna, Skinnskatteberg, Skövde, Smedjebacken, Solna, Stockholm, Sundbyberg, Sundsvall, Surahammar, Södertälje, Tierp, Trelleborg, Trollhättan, Trosa, Ubmeje, Uddevalla, Upplands-Bro, Upplands Väsby, Uppsala, Västerås, Älvkarleby, Örebro, Österåker, Östhammar ja Övertorneå.

Hálddahuoguvllut sámigillii

Árjepluovve, Aerviesjaevrie, Bjerjen, Giron, Hierjedaelien, Jiellvárri, Jáhkámáhkke, Kraapohken, Krom, Liksjo, Máláge, Luspie, Staare, Straejmie, Suorsa, Ubmeje, Vuoltjere, Ååre ja Älvdaelien.

Hálddahuoguvllut meänkillii

Bájlil, Gájnaj, Giron, Haparanda, Jiellvárri ja Övertorneå.

